



INDGÅET

23 FEB. 2015

Inatsisartunut ilaasortaq  
Agathe Fountain  
Inuit Ataqaigiit

NAMMINERSORLUTIK OQARTUSSAT  
GRØNLANDS SELVSTYRE  
INATSISARTUT ALLATTOQARFIAT  
BUREAU FOR INATSISARTUT  
BOX 1060 - 3900 NUUK

**§ 37 naapertorlugu apeqqummut akissuteqaat pineqarluni tusilartunut taakkualu qanigisaannut ussersornermik pikkorissartitsinissaq**

11. februar 2015  
Sulfiap nr. SJ-STD-CERU  
All. Nr. 1859853

Asasara Agathe Fountain

Tusilartunut taakkualu qanigisaannut ussersornermik pikkorissartitsinissaq pillugu apeqqutigisannut qujanaq

Postboks 260  
3900 Nuuk  
Oqarasuaat (+299) 34 50 00  
Fax (+299) 34 66 66  
E-mail: iian@nanoq.gl  
www.naalakkersuisut.gl

Naalakkersuisunit maluginiarneqarpoq, innuttaqaratta ilaqtaminnik qanigisaminnillu attaveqarsinnaanissaminnut tapersorsorneqarnissamik immikkut ittumik pisariaqartitsisartunik.

Innuttaasunut taakkununga tapersorsuineq ilitsersuinerlu IPIS-imit isumagineqartarpoq, Innarluuteqarneq pillugu Iisimasat Siunnersuisarnermillu qitiusoqarfik.

**1. Naalakkersuisut qanoq pilersaaruteqarpat, ussersornermik (Tegnsprog) qaqugu ilaqutaasunut pikkorissartitsinissamik?**

**Akissuteqaat:** Ilaquttanut qanigisanullu ussersornermik pikkorissartitsineq IPIS-imit isumagineqassaaq.

2015-imi pilersaarutigineqarpoq Upernavimmi ataatsimik arlalinnilluunniit ussersornermik pikkorissartitsisoqarnissaa.

**2. Qanga kingullermik ilaqutaasut pikkorissarneqarpat?**

**Akissuteqaat:** 2014-imi tusilartut ilaqutaannut qanigisaannullu Tasiilami aamma Qaanaami ussersorluni pikkorissartitsisoqarnikuvoq.

**3. Tusilartut ussersornermik atuisut arlaqarput meerallit, qaqugu meeqqanut tulluartumik pikkorissaasoqassava meeqqat angajoqqaamik oqaloqateqarsinnaanissaat anguniarlugu?**

**Akissuteqaat:** Piffissami maannakkuugallartoq immikkut ittunik ussersorluni pikkorissartitsinissamik neqerooruteqartoqanngilaq tusilartut meeraannut sammitinneqartunik. Najukkani ussersornermik pikkorissarnermut meeqqat ilaatinneqartarput, tamakku ilaqtariinnut tamarmiusunut tusilartullu qinigisaannut allanut sammitinneqartartut.

**4. Ukiumoortumik tusilartut naapeqatigiittarnerisa nanginneqarnissaat pilersaarutaava?**

2014-imi tusilartut katersuutsinneqanngillat, aningaasammi ussersorluni pikkorissartitsinissanut pingaarnerutinneqarmata.

Pilersaarutaavoq 2015-imi IPIS-ip aqqissugaanik tusilartut naapeqatigiissinneqarnissaat.

Inussiarnersumik inuulluaqqusillunga  
Med venlig hilsen

Martha Lund Olsen